

բանի շրջապատից հայտնաբերվեցին մեծ քանակությամբ անգործի կտորներ, թասերի ու քրեկանների բեկորներ, որոնք նկարագարողված են կանաչ և զեդին շնարակով: Սրանք անգործը հեռացնելու և զծագարգման տեխնիկայով են արված: Նման ոճը, ինչպես և շնարակի պայծառ գույները բնորոշ են XII—XIII դդ.: Այդ բեկորների մեջ առանձնանում է շնարակած թասի մասը, որի վրա հայերեն Այ տառերն են կարդացվում: Պետք է ենթադրել, որ այն կամ վարպետի պատվիրատուի անվան կամ, պարզապես, աստված բառի հապավումը պետք է լինի: Պեղավայրում գտնվեցին նաև լայնավոր կճուճներ, սափորներ (թերի)՝ մեկ կամ երկու կանթով: Հայտնաբերվեցին կարասի բեկորներ, որոնց գոտիները, ինչպես և սափորների և կճուճների պսակները, ցորենի հասկ հիշեցնող, ալիքավոր, ակոսավոր և տարբեր ձևերով են նկարագրողված (աղ. II, 1): Այստեղ էլ նույն XII—XIII դդ. բնորոշ զծագարգման ու փորագրման տեխնիկան է, որը հայտնի է զեռևա IX—X դդ.: Պեղման ընթացքում դուրս եկան կանաչ գույնի երկու ձիթաճրագ և երկու հլոր աղաման (աղ. I, 5, II, 3): Բավականին շատ են մեծադե իրերը: Երանք երկաթե զամեր են (աղ. II, 2), դանակի շեղբեր, պայտեր և

աշխատանքային գործիքներ, որոնք, սակայն, չափազանց քայքայված են: Վառարանի շրջապատից հայտնաբերվեց մեծ քանակությամբ մետաղե թափոն: Հնագիտական այս հավաքածուն պղնձե զրամների հետ միասին թվագրվում է XII—XIII դդ., որը և հիմք է տալիս նույն ժամանակին վերագրելու և վառարանը: Ստորին բերդում բացված հնոցն առայժմ միակն է բոլոր այն հնոցներից, որոնք եղել են Դվինում: Իսկ որ դրանք եղել են քաղաքում, հաստատվում են մեզ հասած բազմաքանակ արտադրական խոտանով, թրծման պարագաներով և ճաշակով նկարագրողված տեղական խեցեղենով: Այսպիսով, պեղված նյութերը հնարավորություն են տալիս հավաստելու, որ Դվինում եղել են խեցեղեն թրծելու XII—XIII դդ. վառարաններ, որոնք որակական փոփոխություններ են մտցրել բրուտագործության մեջ: Բացված կառույցի և պեղածո նյութերի քննությունը կասկած չի թողնում, որ մենք գործ ունենք նույն զարերի խեցեղործական ոչ մեծ մասշտաբի արտադրության արհեստանոցի և հնոցի հետ, որտեղ թրծվել է ժամանակի համար ամենամասշտրական և միևնույն ժամանակ ամենամասսայական շնարակած խեցեղենը:

Ֆ. Ս. ԲԱՐԱՅԱՆ


ՍԻՍԻԱՆԻ ԱՐԾԱԹՅԱ ԳԵՂԱՐՎԵՍՏԱԿԱՆ ԹԱՍԵՐՆ ՈՒ ՍԿԱՀԱԿՆԵՐԸ

Հայաստանը մետաղամշակության հնագույն բնօրաններից մեկն է, այստեղ մետաղի գեղարվեստական մշակումը գալիս է դարերի խորքից: Մինչև վերջին տարիներս, Հայաստանի հելլենիստական դարաշրջանի տորևտիկան գրեթե անհայտ էր: Գառնիում, Արտաշատում, Սիսիանում և այլ վայրերում կատարված պեղումների և պատահաբար հայտնաբերված մետաղյա մի շարք գեղարվեստական իրերի շնորհիվ հնարավոր դարձավ ծանոթանալ անտիկ շրջանի տորևտիկայի հետ:

Գեղարվեստական մետաղի մեջ իրենց ուրույն տեղն ունեն Սիսիանից հայտնաբերված արծաթյա թասերն ու սկահակները: Թասերը, որոնցից երեքը համեմատաբար լավ են պահպանվել, չափերով իրարից քիչ են տարբերվում (տր. 10—12,2 սմ, բարձր. 6,2—7 սմ, քաշը 405,15—415,30 գր.): Բոլորի պսակները զեպիներս են լայնանում և կլորանում (աղ. I, 4—7, II, 1, 2, III, 3, 4): Թասերից երկուսի պսակը զարդարված է լայնքով հաջորդաբար տարված

մեկ և երկու փորագիր գծերով (աղ. I, 4): Թասերից մեկն առանձնանում է իր շքեղ հարդարանքով (տր. 11,8 սմ, բարձր. 6,2 սմ, քաշը 405,15 գր.): Նրա արտաքին մակերեսը բաժանված է ութ հավասար մասերի, որոնցից չորսը բաղկացած են ուղղահայաց առևակոսներից (յոթ հատ): Մյուս չորսը հարդարված են սուր երկարավուն, հավանաբար, նետարուսի (Sagittaria) տերևներով և վերջիններիս երկու կողքերին տեղադրված քիչ ոճավորված խաղողի վաղերով: Պատկերը վերևից շրջափակված է կետերից կազմված, երկու զուգահեռ գոտիների մեջ վերցված պարանահյուսով, իսկ ներքևում՝ հատակն ընդգծող համակենտրոն երեք շրջանով (աղ. II, 1, 2):

Բոլոր թասերը պատրաստված են ձուլելու եղանակով, իսկ զարդերն արված են փորագրելու և զրվագելու միջոցով: Աշխատանքը կատարված է բավական խնամքով: Տրված են բուսական զարդերի բոլոր մանրամասները, նույնիսկ տերևների միջնաջիղերն ու երակները:



0 2

Աղյուսակ I

Այս տեսիլիկան կիրառվում էր հատկապես մ. թ. ա. I դարում¹։

Հելլենիստական շրջանի բրոնզյա կիսագնդաձև թասեր հաշտնարեցվել են հարավ-արևմտյան Հայաստանից՝ Աշվանից²։ Այդօրինակ թասերը

Հին Արևելքում, պաշտամունքային արարողությունների ժամանակ, ծառայել են աստվածների հեղումներ կատարելու համար։ Սակայն հետագայում նրանք կորցրեցին իրենց այդ նշանակությունը, ձեռք բերելով կիրառական բնույթ³։ Վերջիններիս են հարում նաև Սիսիանի կիսագնդաձև թասերը, որոնք թվագրվում են մ. թ. ա. II—I դդ.։

Բուսական զարդերով, Սիսիանի թասին նման արծաթյա թաս հայտնի է Մարաստանից,

¹ К. В. Тревер, Памятники греко-бактрийского искусства, М.—Л., 1940, т. 2, 35—36։

² St. Mitchell, Aşvan kale, Anatolian Studies, vol. XXIII, 1973, № 4, 23, 3; D. H. French, Aşvan Excavations, 1969, Keban project 1969 Activities, Ankara, 1971, էջ 36, աղ. 30, 4։

³ К. В. Тревер, Греко-бактрийская золотая чаша, «Сокровища Эрмитажа», М.—Л., 1949, էջ 101—102։

գտնված նեհավենդի մոտ, այսպես կոչված «Կարենների գանձարանի» մեջ և պահվում է Բեռլինի թանգարանում (աղ. II, 3, 4)։ Այս թասն ավելի կատարյալ մշակում ունի։ Նրա վրայի զարդերի դասավորությունը նույնն է, ևս տարբերությամբ, որ շորս մասում պատկերն իրենից ներկայացնում է խաղողի տերևի ձևի ականթ։ Հատակը ձևավորված է վարդյա-չով, որը բաղկացած է շորս ականթից և քառատերև լոտոսից։ Այստեղ առեակոսները վեցական են։ Շրթի մոտ կա շունարեն երեք տան՝ PXA (տր. 14,3 սմ)։ Ե. Հերցվելդը նշում է բուսական այդ զարդերի չեղնիստական բնույթը. գտնելով միաժամանակ, որ այն ունի ընդգծված աբեմենյան տարրեր⁴։ Նա թասը համարում է նախասասանյան, այլ կերպ ասած՝ բակտրիական բնույթի, իսկ տառերը՝ պարթևական կամ քուշանական, հունարեն գրչությամբ արված և թվագրում է մ. թ. ա. II—I դդ.⁵։ Դ. Ե. Սթրոնգը, ուսումնասիրելով գեղարվեստական մետաղի նմուշներն ընդհանրապես, գտնում է, որ այս նմուշը հելլենիստական տիպի գինե։ Թասերից է և համարում է մինչ մ. թ. ա. II դարի սիրիական արտադրանք։ Թասն ուսումնասիրության առարկա է զարձրել նաև Բ. Ցանը։ Վերջինս բուսական գարգամոտիվները կապում է հելլենիստական եգիպտոսի արվեստի՝ նետ և գտնում է, որ թասի վրա իրանա-ասիական տարրեր չկան, որ ան կարող էր պատրաստվել Ասիայի հունական գաղութներից մեկում, մ. թ. ա. III դարում⁶։

Թեև կիսազնդած արծաթյա և բրոնզյա թասեր Հայաստանում առաջին անգամ են ի հայտ գալիս, բայց Սիսիանի թասերի ձևը շատ տարածված է խեցեղեն և ապակյա անոթների շար-

քում։ Կիսազնդած խեցեղեն անոթները հանդիպում են ղևես ուրարտական շրջանում և դանազան ձևափոխություններով շարունակվում են նաև մ. թ. առաջին դարերում։ Սակայն խեցեղենի այդ ձևն առավել տարածված է եղել հելլենիստական շրջանում։ Արմավիրից, Արտաշատից, Գառնիից, Աշվանից և այլ վայրերից հայտնաբերված կիսազնդած թասերը հարված են գունավոր, երկրաչափական ու բուսական տարրեր զարդերով։ Թասերի պսակի վրա լայնքով հաջորդաբար տարված մեկական և երկուական զծերը հելլենիստական գունազարդ խեցեղենի ամենատարածված զարդերից են։ Սիսիանի թասի վրայի բուսական զարդերից խաղողը վաղուց է հայտնի Հայաստանում, իսկ նետաբույսը հանդիպում է ինչպես Փոքր Ասիայում և Միջերկրական ծովի առեկյան ափերին, այնպես էլ Հայաստանում։

Թեև Սիսիանի թասի զարդերն ավելի պարզունակ են և համեմատաբար պակաս վարպետությամբ կատարված, բայց, ըստ երևույթին, նեհավենդի և Սիսիանի թասերը նույն արեալի (գուցե և նույն կենտրոնի) արտադրանք են և ժամանակակից են իրար։ Ինչ վերաբերում է թասերի արտադրության վայրերին, ապա հայտնի է, որ դրանք ընդհանրապես հայտնաբերվել են Հունաստանում, Փոքր Ասիայում, Սիրիայում, Իրանում⁸ և թվագրվում են ուշ հելլենիստական շրջանով և մ. թ. ա. 100 թ.։ Վերը տեսանք, որ ուսումնասիրողները «Կարենների գանձարանի» կիսազնդած, բուսական զարդերով թասի պատրաստման տեղի ու ժամանակի վերաբերյալ տարբեր կարծիքներ են հայտնում։

Անշուշտ, «Կարենների գանձարանի» և Սիսիանի թասերը հելլենիստական արվեստի արգասիք են։ Իրենց չքեղ տեսքով ու հարդարանքով նրանք հիշեցնում են հելլենիստական շրջանի «մեզարյան» կոչվող կիսազնդած խեցեղեն թասերը⁹, որոնց վրա հանդիպում են նաև նման առեակոսներ, տերևաձև և բուսական այլ զարդեր։ Սակայն նրանց վրայի զարգամոտիվները տարածված են եղել նաև Արևելքում։ Նման առեակոսներ հանդիպում են ասորեստանյան,

⁴ E. Herzfeld, The Hoard of the Karen Pahlavs, The Burlington magazin for connoisseurs, Number CCXCVIII, vol. 52, January, London, 1926, էջ 21—27, աղ. A, B; A Survey of Persian art, vol. IV, London and New York, 1938, աղ. 137, A; H. Luschke, Iran und der Westen von Kyros bis Khosrow, Archaeologische Mitteilungen aus Iran, New Folge, Band I, Berlin, 1968, աղ. 16, 1.


⁵ E. Herzfeld, նշվ. աղ., էջ 21—27.

⁶ D. E. Strong, Greek and Roman gold and silver plate, London, 1966, էջ 110, 121.


⁷ R. Zahn, Ein Hellenistischer silberbecher im antiquarium der staatlichen museen zu Berlin, Jahrbuch des Deutschen Archäologischen Instituts, Band 82, Berlin, 1967, 1968, էջ 1—14, նկ. 1, 2, 3, 4.

⁸ D. E. Strong, նշվ. աղ., էջ 108—109, G. M. A. Richter, Catalogue of Greek Antiquities, Dumbarton Oaks collection, Cambridge, 1956, աղ. XIX, 30, 31.

⁹ J. Schaffer, Hellenistische keramik aus Pergamon, Berlin, 1966, նկ. 12, 1; H. Goldmann, Excavations at Gözlu Kule Tarsus, The Hellenistic and Roman Periods, vol. I, Princeton, New Jersey, 1950, նկ. 137—203.



Աղյուսակ II



Աղյուսակ III

ուրարտական և արեմենյան շրջանի մետաղյա անոթների վրա, իսկ նետարույսը հանդիպում է Առաքավոր Ասիայի վաղ հելլենիստական մետաղյա և ապակյա թասերի վրա: Ուստի, ընդունելով հանդերձ այս թասերի հելլենիստական արվեստի արգասիք լինելը, չի կարելի անհիմն համարել Ե. Հերցֆելդի կարծիքը, որ «Կարենների զանձարանի» թասի դարդերը պարունակում են արեմենյան արվեստին բնորոշ տարրեր, և որ դրանց արտադրության հնարավոր կենտրոններից մեկը կարող էր լինել Պարթիան: Սակայն ամենահավանականը Դ. Սթրոնգի կարծիքն է, ըստ որի այդ թասը պատրաստվել է Սիրիայում, բանի որ Սիրիան, Փոքր Ասիան, Պերգամոնը, Հոռոսը և ընդհանրապես Միջերկրականի արևելյան ափերը հայտնի էին արծաթյա թանկարժեք անոթների իրենց արտադրանքով¹⁰: Կարելի է ենթադրել, որ «Կարենների զանձարանի» և Սիրիանի թասերը պատրաստվել են սիրիա-միջագետքյան կենտրոններից մեկում և այնտեղից տարվել Հայաստան և Պարթիա:

Հելլենիստական շրջանում և հատկապես մ. թ. ա. I դարում Հայաստանը կուլտուրական և առևտրատնտեսական սերտ կապեր ուներ սիրիա-միջագետքյան և փոքրասիական կենտրոնների հետ: Այդ են վկայում Արտաշատից և Հայաստանի մյուս վայրերից հայտնաբերված ներմուծված խեցեղենը¹¹, ապակին¹², մետաղյա զենարվեստական իրերն¹³ ու նյութական մշակույթի մյուս առարկաները¹⁴:

¹⁰ A. Springer, Die Kunst des Altertums: Handbuch der Kunstgeschichte, Band I, Das Altertums, Leipzig, 1923, էջ 106—109; К. М а ч а б е л и, Позднеантичная торевтика Грузии, Тбилиси, 1976, էջ 136—147: ¹¹ ժ. Գ. Խ ա շ ա տ ռ յ ա ն, Ա. Գ. Կ ա ն ե ճ յ ա ն, Արտաշատի VIII դրի շերտագրությունը, ՀՍՍՀ ԳԱ «Լրաբեր» (հաս. գիտ.), 1974, № 9, էջ 82—84; М. З а р д а р я н, Амфоры из раскопок Арташата, «Պատմա-բանասիրական հանդես», 1977, № 1, էջ 266—272:

¹² Ж. Д. Х а ч а т р я н, Стеклоделие в древней Армении (II—I века до н. э.). «Պատմա-բանասիրական հանդես», 1975, № 1, էջ 248—258; Г. А. Т и р а ц я н, О торговых связях Армении с Сирией в античное время, «Палестинский сборник», вып. 4(67), М.—Л., 1959, էջ 73—78:

¹³ ժ. Խ ա շ ա տ ռ յ ա ն, Ուշ հելլենիստական շրջանի եղակի դամբարան, ՀՍՍՀ ԳԱ «Լրաբեր» (հաս. գիտ.), 1977, № 1, էջ 55—63:

¹⁴ Б. Н. А р а к е л я н, Очерки по истории искусства древней Армении (VI в. до

Р а с х а т վ ա ծ չ է ն ա լ թ ա ս եր ի Հ ա յ ա ս տ ա ն ու մ պատրաստված լինելը: Հայաստանում բրոնզեդարյան և վաղ երկաթի ժամանակաշրջանի հուշարձաններից հայտնաբերված կաղապարները, ոսկյա, արծաթյա և բրոնզյա թասերը, անոթները, դարդերը, զոտիներն ու արձանիկները վկայում են այն մասին, որ այստեղ վաղուց ի վեր գոյություն է ունեցել մետաղի զենարվեստական մշակումը, որը օգտագործվել են տեխնիկական տարրեր հնարքներ ու միջոցներ¹⁵: Վերջին տարիների ուրարտական և արեմենյան զենարվեստական մետաղի գյուտերը թույլ են տալիս ենթադրելու, որ արեմենյան մետաղյա փխալանների նախատիպերը պետք է փնտրել ոչ միայն Ասորեստանում, այլև Ուրարտում: Ուրարտական տորևտիկայի ուսումնասիրությունը վկայում է, որ ուրարտական և վաղ հայկական մետաղագործական իրերի միջև ուղղակի կապ կա: Հայաստանի տերիտորիայում հումքի գոյությունը և կատարված հայտնաբերումները խոսում են այն մասին, որ արեմենյան շրջանում այստեղ գոյություն ունեին բարձր զարգացման վրա գտնվող արհեստանոցներ: Գյուտերից դատելով հնարավոր են համարում նույնիսկ դրանք տեղադրել էրզրումի և Երզնկայի շրջանում և ուրարտական արհեստագործական մյուս կենտրոններում, որոնք իրենց գոյությունը պահպանել են նաև ուրարտական պետության անկումից հետո:

Ելնելով վերոհիշյալից կարելի է սնդել, որ եթե արեմենյան շրջանում Հայաստանում գոյություն ունեին մետաղագործական զարգացած արհեստանոցներ, ապա հելլենիստական շրջանում, տնտեսական բուռն վերելքի ու առևտրի հետ կապված, այդ արհեստանոցներն էլ ավելի պետք է զարգանային և, հներից բացի, հանդես գային նորերը, հատկապես հայկական միասնական պետականության ստեղծումից հետո, մ. թ. ա. II—I դդ.: Այդ են վկայում Հայաստանի անտիկ շրջանի բազմաթիվ ու մյուս հնավայրերի պեղումները: Սակայն այս հարցի վերջնական պատասխանը կարող են տալ հե-

ն. ձ. — III в. н. э.), Ереван, 1976, էջ 20—29 և այլուր, տախտ. XXI—XXIII, XCVII, XXVIII, CIV, գունավ. տախտ. I, XIX.

¹⁵ Վ. Ա Ր Ր ա հ ա մ յ ա ն, Ոսկերչության տեխնոլոգիան Հին Հայաստանում, ՀՍՍՀ ԳԱ «Տեղեկագիր» (հաս. գիտ.), 1952, № 12, էջ 69—90:

¹⁶ Այդ մասին գրավորությունը տե՛ս Դ. Ա. Т и р а ц я н, К вопросу о торевтике и ювелирном деле Армении в ахеменидское время, «Պատմա-բանասիրական հանդես», 1969, № 1, էջ 102—105:

տագա պեղումները, երբ ի հայտ կգան գեղարվեստական մետաղի նոր նմուշներ, որոնք հնարավորություն կտան ավելի հանգամանորեն ուսումնասիրելու Հայաստանի տորևտիկան:

Հելլենիստական շրջանում, տվյալ մշակութային արեալի մեջ ընդգրկված երկրներում հանդես եկան մի շարք մշակութային ընդհանրություններ, որոնք ոչ այնքան իրարից փոխ առնելու, որքան ամբողջ հելլենիստական Արևելքում գոյություն ունեցող ինքնատիպ մի շրջան («κοίμη») ստեղծող գեղարվեստական որոշակի ընդհանուր մթնոլորտի արդյունք են: Իհարկե, գեղարվեստական այդ ոլորտի մեջ մտնող յուրաքանչյուր երկրում գոյություն ունեին տեղական առանձնատկություններ, տարբերություններ, բայց կային նաև ընդհանուր տարրեր: Հենց այդ ընդհանրությունն էլ հեշտացնում էր տեղական, գեղարվեստական զպրոցների փոխազդեցությունը¹⁷: Երևույթները տվյալ պատմագեղարվեստական մեծ կոնտեքստից դուրս քննելիս այդ ընդհանրության արդյունք հանդիսացող շատ տարրեր հաճախ համարվում են արտաքին ազդեցության արդյունք, կամ տեղում պատրաստված շատ առարկաներ դիտվում են իբրև ներմուծված: Բացի այդ, հելլենիստական երկրներում առաջացած արհեստագործության ու մշակութի խոշոր կենտրոնների ավանդույթները շարունակվեցին ու զարգացում ստացան հռոմեական շրջանում¹⁸: Հատկանշական է նաև, որ արտահանվում էին ոչ միայն պատրաստի առարկաներ, այլև դրանց կաղապարները, առաջնակարգ վարպետների արտադրանքից հանված պատճենները: Վարպետներն իրենք էլ էին տեղափոխվում տեղից տեղ և հիմնում իրենց արհեստանոցները¹⁹: Այս բոլոր հանգամանքներն իրենց հերթին դժվարացնում են արտադրության վայրն ու ժամանակը որոշելու գործը:

Դտնված սկահակներից չորսն են քիչ թե շատ ամբողջական (ադ. I, 1, 3, III, 1, 2): Դրանցից երկուսը գրեթե նույն չափի են (տր. 16—16,2 սմ, բարձր. 9 սմ, ոտքի տր. 7,8—8,2 սմ), սակայն իրարից տարբերվում են ոտքերի ձևերով. մեկը, որի պսակի տակ դրսից

արամեական արձանագրություն կա, ունի աստիճանաձև սահուն անցումով, սնամեջ, գեղեցիկ ոտք (բաշը 427,8 գրամ): Սկահակի ներսից համակենտրոն երկու շրջաններով ընդգծված է հատակը (ադ. I, 1, III, 1): Երկրորդն ունի շեփորաձև ոտք (ադ. I, 2): Երրորդը նման է երկրորդին, միայն ավելի վատ է պահպանված և չափերը քիչ ավելի փոքր են (տր. 13,4 սմ): Սկահակները նույնպես նորություն չեն Հայաստանի համար: Կավե սկահակներ հանդիպում են դեռևս ուրարտական շրջանից, իսկ հելլենիստական կավե և քարե սկահակները հար և նման են վերոհիշյալ արծաթյա սկահակներին: Նրանք գոյատևում են մինչև մ. թ. ա. I դարի վերջը, որից հետո այլևս չեն հանդիպում: Սկահակներից ամենահետաքրքիրը առաջինն է: Նրա վրայի արամեական արձանագրությունից իմանում ենք Սյունիքի իշխանավորներից մեկի, գուցե կառավարչի (լոբշխի) անունը, որը թաղվել է այդ դամբարանում, ինչպես նաև լրացուցիչ տեղեկություններ ենք ստանում Հայաստանում անտիկ շրջանում ընդունված կշռային միավորների մասին: Ըստ Ա. Գ. Փերիխանյանի, արձանագրության վերծանությունը հետևյալն է. «Այս թասը պատկանում է Արախսզատին. արծաթի քաշն է 100 դրախմա...»²⁰: Արձանագրությունը հետաքրքրական է նրանով, որ պարունակում է մի քանի նոր տեղեկանքներ: Դրանցից մեծերս—«թաս» տերմինը և Արախսզատ անունը, ուսումնասիրողի կարծիքով, միջին իրանական (պարթևական) և միջին մարական ծագում ունեն, որն արդյունք է Սյունիքի աշխարհագրական դիրքի, Մարաստանի հետ ունեցած էթնիկական և կուլտուր-լեզվական ու պատմական աղերսների: Գրության ձևով արձանագրությունը կապվում է Նյուսիս-միջագետքյան արամեական ավանդների հետ²¹: Այդ ոճի տառանիշերի մուտքը Հայաստան տեղի է ունեցել մ. թ. ա. I դարում²², Տիգրան II-ի օրոք, երբ նրա վարած ներքին ու արտաքին քաղաքականության շնորհիվ էլ ավելի ուժեղացան Հայաստանի կուլտուրական ու տնտեսական կապերը Ասորիքի ու Միջագետքի հետ: Նման ձևով են գրված նաև Արտաշատի I բլրից հայտնաբեր-

¹⁷ Այդ մասին գրականությունը տե՛ս Գ. Ա. Кошелев, А. Perkins, The Art of Dura-Europos, Oxford, 1973 (գրախոսություն): «Советская археология», 1976, № 2, էջ 282:

¹⁸ «Античная художественная бронза. Каталог выставки», Л., 1973, էջ 10:

¹⁹ Այդ մասին գրականությունը տե՛ս Կ. В. Тревер, Бактрийский бронзовый фалар с изображением Диониса, «Труды Гос. Эрмитажа», т. V, Л., 1961, էջ 102—104:

²⁰ А. Г. Периханян. Арамейская надпись на серебряной чаше из Сиспана, «Историко-археологический журнал», 1971, № 3, էջ 78—81, նկ. I, 2:

²¹ Նույն տեղում, էջ 80—81:

²² Գ. Տիգրանյան, Արտաշես I-ի ևս մեկ նորագյուտ արամեական արձանագրություն, «Историко-археологический журнал», 1977, № 4, էջ 255—256:

ված, մ. թ. ա. I դարի ապակյա գդալի²³ և շաղութիտե ափսեի²⁴ վրայի արամեական արձանագրությունները:

Ինչ վերաբերում է սկահակի քաշին, ապա արձանագրության հրատարակության ժամանակ այն վերականգնված չի եղել և հաշվի է առնվել միայն թասի քաշը, որը 340 գրամ է: Այն հաշվվել է սասանյան դրախմայի չափով, որը մոտավորապես 4 գրամ էր: Ենթադրելով, թե իսան ունեցել է նաև կանթ, նրա կշիռը, սասանյան 100 դրախմայով, հաշվվել է մոտավորապես 380—400 գրամ²⁵: Մինչդեռ, թասի քաշը պետք էր հաշվել ոչ թե սասանյան, այլ պարթևական շրջանում դրախմայի համար ընդունված ատտիկյան կշռային սիստեմով²⁶: Սկահակի վերականգնումից, այսինքն թասը ոտքի հետ միացնելուց հետո նրա քաշը 427,8 գրամ է, որը համապատասխանում է թասի վրա նշված 100 դրախմայի ատտիկյան չափին: Հայտնի է, որ ատտիկյան դրախման տատանվում էր 4,26—4,32 գրամների միջև: Ուրեմն, եթե ընդունելու լինենք, որ ատտիկյան դրախմայի միջին քաշը 4,29 գրամ է և հաշվի առնենք սկահակի մաշվածությունը, ապա սկահակի սկզբնական քաշը պետք է լինի 429—430 գրամ: Հատկանշական է, որ վերոհիշյալ կիսազնգածն թասերը և Սիսիանի դամբարանում հայտնաբերված արծաթյա ապարանջանատիպ իրերը նույնպես պատրաստված են ատտիկյան կշռային սիստեմի համաձայն²⁷:

Այս սկահակները ծառայել են իրեն ըմպանակներ և թվագրվում են մ. թ. ա. I դարով: Սկահակների պսակների ձևերը և հատակն ընդգծող համակենտրոն շրջանները նման են վերոհիշյալ թասերին, իսկ ոտքերի նման ձևերը, ինչպես վերը նշեցինք, բնորոշ են հելլենիստական խեցեղենին և քարե սկահակներին: Ուստի շատ հնարավոր է, որ սկահակները պատրաստված լինեն նույն սիրիա-միջագետքյան կենտրոններից մեկում, ուր պատրաստվել են թա-

սերը (միաժամանակ կամ ժամանակի որոշ տարրերով) և կամ Հայաստանում:

Այսպիսով, Հայաստանում հայտնաբերված թասերն ու սկահակները իրենց գեղարվեստական արժանիքներով չեն զիջում այլ վայրերից գտնված անտիկ շրջանի արծաթյա անոթներին: Անտիկ շրջանի մշակույթի ուսումնասիրությունը ցույց է տալիս, որ Հայաստանը, ընդգրկվելով հելլենիստական Արևելքում գոյություն ունեցող գեղարվեստական ընդհանուր ոլորտի մեջ, դարերի խորքից եկող իր մշակույթը հասցրել է զարգացման մի նոր, ավելի բարձր աստիճանի: Այդ են վկայում նաև մետաղյա գեղարվեստական իրերը: Նրանց թիվը թեև մեծ չէ, սակայն դրանց քննությունից երևում է, որ Հայաստանը ոչ միայն ներմուծել է բարձրարվեստ գեղարվեստական իրեր ու անոթներ, այլև ունեցել է իր սեփական արտագրությունը:

Հելլենիստական շրջանում և հատկապես մ. թ. ա. II—I դարերում մեծ հակում է նկատվում դեպի ճոխությունը: Մարդիկ իրենց շրջապատում են գեղարվեստական բարձր ճաշակով պատրաստված իրերով ու առարկաներով: Նորոգվում է տների հարդարանքը: Խոհանոցային սպասքը և մյուս կավանդները փոխարինվում են արծաթով²⁸: Հարստությունն սկսում է չափվել արծաթյա գեղարվեստական իրերի քանակով: Նշանավոր վարպետների գործերը շատ բարձր գին ունեին: Այդ մասին վկայում են Պլինիոսը²⁹ և մյուս անտիկ հեղինակները: Նրանք նշում են հոռմեական շքեղ հոգեհացերի մասին, որոնց ժամանակ օգտագործվում էր արծաթյա փառահեղ ամանեղեն³⁰: Սիսիանի իշխանական դամբարանի պեղումները թույլ են տալիս ենթադրել, որ այդ երևույթը նկատվել է նաև Հայաստանում: Սիսիանի դամբարանի նյութերի մեծ մասը մետաղյա գեղարվեստական իրեր են, որոնց մեջ գերակշռում է արծաթը: Հայաստանում հայտնաբերված արծաթյա գեղարվեստական իրերը պատկանում էին հիմնականում վերնախավին, որն ավելի շատ էր ենթարկվում օտար ազդեցություններին: Մետաղյա գեղարվեստական անոթներն ու առարկաները՝ ներմուծված թե տեղական, բնորոշում են հայ աղնվականության ճաշակը, նրա հակումները: Դրանք տարբերվում էին տեղական, ավանդական, ժողովրդական արվեստից և իրենց նորա-

23 Ж. Д. Хачатрян, Стеклоделние в Древней Армении, էջ 256, աղ. 1, 10:

24 Б. Н. Аракелян, նշվ. աշխ., գուն. աղ. I:

25 А. Г. Перхачян, նշվ. աշխ., էջ 80—81:

26 А. Н. Зограф, Античные монеты, «Материалы и исследования по археологии СССР», № 16, М.—Л., 1951, էջ 38—55:

27 Թասերի քաշն է 400,15 գրամ, 411,60 գրամ, ապարանջաններինը՝ 272,20 գրամ, 275,50 գրամ, 293 գրամ: Ընդունված կշռաչափից եղած տատանումները մաշվածության և վատ պահպանվածության արդյունք են:

28 М. Е. Сергеевко, Ремесленники древнего Рима, Л., 1968, էջ 36:

29 Plinius, Nat. hist., XXXIII, 47, 51—55.

30 Այդ մասին տե՛ս К. Мацбелл, նշվ. աշխ., էջ 16; М. Е. Сергеевко, նշվ. աշխ., էջ 36—48:

ժուռոթյուններով ազդում էին Հայաստանի հելլենիստական մշակույթի զարգացման ընդհանուր ուղղության վրա: Հայաստանի անտիկ շրջանի հուշարձանների, հատկապես Արտաշատի, Արմավիրի, Գառնիի և մյուս հնավայրերի պեղումները վկայում են անտիկ շրջանի (մանավանդ մ. թ. ա. II—մ. թ. II դարերի) Հայաստանի մշակույթի վրա հելլենիստական աշ-

խարհի թողած խոր ազդեցության մասին: Այդ շրջանի Հայաստանի մշակույթը շատ ընդհանրություններ ունի հելլենիստական Արևելքի, հատկապես Սիրիայի ու Փոքր Ասիայի հետ, մտնելով սիրիա-միջագետքյան, փոքրասիական հելլենիստական զեղարվեստական ընդհանուր արևալի («койне») մեջ:

Ժ. Գ. ԽԱՉԱՏՐՅԱՆ

НЕКОТОРЫЕ ВОПРОСЫ ТЕХНОЛОГИИ КЕРАМИКИ АСТХИБЛУРСКОГО МОГИЛЬНИКА

Среди памятников эпохи раннего железа Армении видное место занимает Астхиблурский могильник¹, комплексы которого наряду с материалами из таких широко известных памятников, как Редкий лагерь², Артик³, Мецамор⁴ и другие, имеет важное значение для определения культуры рассматриваемой эпохи.

Раскопки могильника Астхиблур, расположенного близ с. Енокаван Иджеванского района, были произведены С. А. Есаяном в 1966—1967 гг.; им было раскопано 26 погребений, относящихся к началу и середине I тыс. до н. э. Комплексы погребений эпохи раннего железа состоят из керамики различных форм, среди которых имеются одноручные, двуручные, стрепещевидными ручками и безручные кувшины, горшки, миски, кружки и несколько солонок. Основная масса керамики хорошо выделана, бо-

гато орнаментирована различными геометрическими узорами, гораздо реже растительным и животным орнаментами. Весь керамический материал хорошо увязывается с керамикой из памятников начала I тыс. до н. э. и находит аналогии в Дилижане, Айриванке, Кировакане, Макарашене, Кедабеке, Ходжалы и других памятниках Армении и Закавказья⁵.

Вместе с керамическими изделиями были найдены различные предметы — железные кинжалы, ножи, копья, бронзовый пояс и украшения, — которые позволили датировать могильник IX—VIII вв. до н. э.⁶

Технологические вопросы изготовления керамики, впервые исследуемые здесь на материале Армении, имеют важное значение, так как «...лишь в системе технологического процесса, в его развитии, уровень и характер которого определены и обусловлены исторически, наиболее перспективным представляется оценка керамики и ее изучение как памятника материальной культуры»⁷. В настоящей статье мы рассматриваем лишь два этапа — 1) формовку, 2) обжиг и окраску — из четырех основных этапов, которые составляют технологический процесс изготовления керамики.

Формовка. На многих сосудах Астхи-

⁵ А. А. Мартиросян, указ. соч., стр. 205; Т. С. Хачатрян, Раскопки в Айриванке, «Известия» АН АрмССР (обществ. науки), 1957, № 12, стр. 93—102; С. А. Есаян, Г. А. Оганесян, Каталог археологических предметов Дилижанского краеведческого музея, Ереван, 1969.

⁶ С. А. Есаян, Древняя культура..., стр. 131—133.

⁷ Э. В. Сайко, Л. В. Кузнецова, Методологические основы исследования древней керамики, М., 1977, стр. 30.

¹ С. А. Есаян, Астхиблурский могильник, «Вестник» АН АрмССР (обществ. науки), 1968, № 6, стр. 83—97; его же, Древняя культура племен Северо-восточной Армении, Ереван, 1976, стр. 131—133.

² F. Bayerns, Untersuchungen über die ältesten Gräber und Schatzfunde in Kaukasien, Berlin, 1885; Д. С. Уварова, Коллекция Кавказского музея, т. V, Тифлис, 1902, стр. 48 и сл.; Б. Б. Пиотровский, Археология Закавказья, Л., 1949, стр. 64; А. А. Мартиросян, Армения в эпоху бронзы и раннего железа, Ереван, 1964, стр. 196 и сл.

³ Т. С. Хачатрян, Материальная культура древнего Артика, Ереван, 1963; его же, Древняя культура Ширака, Ереван, 1975, стр. 135—156.

⁴ Է. Վ. Խաչատրյան, Կ. Զ. Մկրտչյան, Է. Ս. Փարսաճյան, Մեծամոր, Երևան, 1973: